

2459

元曲選

冊
七

卷之四

五言古詩


五

須賈大夫辭范叔

倣丁野夫筆

元曲選圖 譚范叔

中華書局聚





須賈大夫諱范叔雜劇

元

明吳興臧晉叔校

楔子

〔淨扮魏齊領卒子上詩云〕自從分晉列爲侯天下雄兵數汴州誰想馬陵遭敗後至今說着也還羞某乃魏齊是也佐於魏國爲丞相之職想俺先祖魏斯與那趙籍韓虔同爲晉大夫三分其地我魏國建都於大梁今天下并爲七國是秦齊燕趙韓楚和俺魏國各據疆土倚強凌弱不肯相下俺魏國與齊國有積世之讎前年齊國遣孫臏統領軍馬明稱救韓暗來襲魏被他詐敗佯輸添兵滅竈在馬陵山下削木爲號衆弩俱發射死大將龐涓擄了長兄公子申歸齊俺魏國從此不振會許他三年一進貢屈指之間早是三年了也近日俺惠王病染不安命俺權國欲遣一文武全備能言快語之士往聘齊國一來還他三年貢物二來求放公子申還朝重修兩國之好永爲唇齒之邦俺國中惟有中大夫須賈其人可以任使已曾奏知俺主着他前去他說今日起程必來辭別可怎生這早晚還不見來左右與我門首覷者若須賈來時報復我知道〔卒子云〕理會的〔冲末扮須賈上云〕小官魏國中大夫須賈是也俺主惠王不豫魏齊權國令小官奉使於齊奈小官生而拙訥不能應對恐誤兩國之好小官家中有一辯士乃是范雎此人深懷妙策廣覽羣書問一答十堪充其任小官欲舉此人同去也見俺魏國多才有何不可此間正是相府門首小校報復去道有須賈來了也〔卒子做報科〕〔魏齊云〕道有請〔卒子云〕請進〔做見科〕〔魏齊云〕大夫你來了也今日爲何還不登程〔須賈云〕須賈行李已發還有一事未敢擅便特此稟知〔魏齊云〕大夫有何事但

說不妨〔須賈云〕須賈平日拙口鈍辭猶恐應對有誤家中有一辯士名曰范雎得與此人同行凡事計議萬無一失須賈未敢自專請老相國裁奪〔魏齊云〕你說那范雎在於何處〔須賈云〕現在舍下〔魏齊云〕既然如此何不就着此人來見俺波〔須賈云〕左右請將范先生來者〔卒子做喚科云〕范先生安在〔正末扮范雎上云〕小生姓范名雎字叔本貫魏國人氏幼習儒業兼看兵書不幸父母早年亡化在此中大夫須賈門下做着箇門館先生今日着人呼喚不知有甚事須索走一遭去〔做見須賈科云〕大夫呼喚小生有何事分付〔須賈云〕今小官奉使往齊特舉先生爲副萬一請得魏申公子還國先生必有重用俺適纔已稟過魏相了同去見來〔正末云〕既然如此大人請先小生隨後〔須賈做入見科云〕稟上老相國則此人便是范雎〔正末拜科〕〔魏齊云〕辯士免禮恰纔須賈大夫舉薦你同入齊爲使若保的俺長兄公子無事還於本國那其間自有重賞加官也〔正末云〕大人放心小生自今日入齊爲使管教公子無事還國也〔唱〕

〔仙呂端正好〕憑著俺仲尼書蒼頡字周公禮子產文辭奈家貧不遇人驅使怎肯道是無用也於才思

〔魏齊云〕只要你保的公子還國必有重用〔正末唱〕

〔么篇〕常則是半生忙不遂我平生志居陋巷甘分隨時今日箇和使臣冠蓋相隨次離魏國到臨淄憑喉舌決雄雌休戰陣免興師〔帶云〕大人放心憑范雎三寸之舌包請俺公子歸國便了〔唱〕管成就這公事〔下〕

〔須賈云〕須賈就此告行上託宗廟之靈君主之福下賴公子之德相國之威管取兩國和好無負此一番使命也〔做拜別科〕〔魏齊云〕大夫則要你小心在意者〔須賈做出門科云〕左右那裏收

拾行裝輕車一輛從者六七十人與范睢先生同往齊邦爲使則今日走一遭去〔詩云〕從來使命本非輕猶喜相知共此行三寸舌爲安國劍一函書作固邊城〔下〕〔魏齊云〕令人安排酒果到於十里長亭與須賈大夫錢行去來〔下〕

〔音釋〕

賸音髻 使去聲 睢音疽 頤奚耶切 思去聲 分去聲 從去聲 函音銜 錢音箭

第一折

〔外扮騶衍領張千上詩云〕形據瑯琊勝財歸渤海肥七雄誰第一什二在東齊小官乃齊國中大夫騶衍是也方今周室旣衰列國諸侯互相吞併號曰七雄是秦齊燕趙韓楚魏先年間俺國與魏邦有隙皆因魏邦倚恃龐涓之勢屢次侵犯俺國後來遣卜商大夫往魏進茶聞知孫子大賢在茶車裏暗藏他歸國俺主公拜爲軍師是時龐涓伐韓孫子口稱救韓却引兵徑去襲魏詐敗佯輸添兵滅竈龐涓大喜曰我固知齊軍怯入我境士卒亡者過半矣竟被孫子將那龐涓賺到馬陵山下誅了連他公子申也被擄了魏邦因此許俺三年進貢今經第三年也魏邦使臣乃是須賈帶一副使名爲范睢這范睢果然是箇能言巧辯之士俺主公見他一席話不勝大喜遂放公子申還國兩邦修好永爲唇齒俺主公特遣小官在驛亭中擺設筵宴管待范睢更有偌多賞賜禮物表俺主公敬賢之意張千門首覷者若賢士來時報復某知道〔正末上云〕小生范睢隨着須賈大夫到此齊國爲使見了齊君被小生幾句話打動的他心歡意悅就釋放俺公子申無事回還今日有齊國中大夫騶衍在驛亭中令人相請須索去走一遭想俺學成文武全才虛淹半世幾時是那崢嶸發達時節也呵〔唱〕

〔仙呂點絳脣〕日月煎熬利名牽擾人空老今日明朝則俺這愁思知多少

〔混江龍〕若依着先王典教貧而無詔富無驕俺可甚一身流落半世辛勞常只是白首相知猶按劍枉了也朱門先達有同袍猛回頭則落的紆地微微笑倒不如癡呆懵懂甘守着陋巷的這簞瓢

〔云〕可早來到驛亭也令人報復去道有范睢在於門首〔張千做報科云報的大人得知有范睢來了也〕〔騶衍云〕道有請〔張千云〕請進〔做見科〕〔騶衍云〕賢士小官奉主公命令在此相候良久賢士請坐〔正末云〕量小生有何德能勞大王如此重待〔騶衍云〕賢士有如此大才久後必有大用也〔正末唱〕

〔油葫蘆〕自古書生多命薄端的可便成事的少你看幾人平步躡雲霄便讀得十年書也只受的十年暴便曉得十分事也抵不得十分飽至如俺學到老越着俺窮到老想詩書不是防身寶剗地着俺白屋教兒曹

〔騶衍云〕賢士如今這秀才每但讀些書便去求官應舉賢士有如此大才何不進取功名也〔正末唱〕

〔天下樂〕他每只是些趨避當差影身草自古來文章可便將人都誤了〔騶衍云〕我想古人都是靠着文章出身的怎見得就誤了人來〔正末唱〕勸今人休

將前輩學〔騶衍云〕學便如何〔正末唱〕學下莊斬虎的入虎穴學呂望釣魚

的近池沼學太康放鷹鶻拿燕雀

〔騶衍云〕賢士你不學古人待要怎生也〔正末唱〕

〔那吒令〕我論着那斬虎的則不如去斬蛟〔騶衍云〕這釣魚的可是如何〔正

末唱〕

釣魚的則不如去釣鰲〔騶衍云〕這放鷹的可是如何〔正末唱〕放鷹的則

不如去放鵬調大謊往上攢抱麤腿向前跳倒能勾祿重官高

〔騶衍云〕賢士如今世上都是只敬衣衫不敬人的時節也須穿着那鮮明衣帽打扮的齊整整纔

好〔正末唱〕

〔鵲踏枝〕但有些箇好穿着好靴脚出來的苦眼鋪眉一箇箇納胯
那腰說謊的今時可便使着天那則俺這誠實的管老死蓬蒿

〔騶衍云〕賢士你何不尋幾箇相識朋友告求些齋發去〔正末唱〕

〔寄生草〕本待要尋知契謁故交見十家九家門關了起三陣五陣
簷風哨有千片萬片梨花落但得箇一頃半頃洛陽田誰待想七月
八月長安道

〔騶衍云〕張千將酒來〔張千云〕酒到〔騶衍云〕賢士小官奉命將着那牛酒管待賢士請滿飲此

杯者〔做遞酒科正末云〕大人請〔騶衍云〕賢士請〔正末云〕恭敬不如從命小生飲這杯酒咱〔

做飲酒科〕〔騶衍云〕小官奉主公的命在此驛亭中管待賢士須要盡醉方歸張千喚將那歌兒

舞女來者着他席間伏侍賢士〔張千云〕歌兒舞女走動〔旦上動樂科〕〔騶衍云〕賢士如今暮

冬大道紛紛揚揚下的是國家祥瑞更接着這歌兒舞女嬌喉細細紅袖翩翩賢士請放開懷抱滿

飲一杯者〔正末云〕大人委的是好受用也〔唱〕

〔金盞兒〕俺只見瑞雪舞鵝毛美酒泛羊羔這陰風不透重簾幙兩行絃管列妖嬈頻敲白象板輕品紫鸞簫〔騷衍云〕賢士此處比門外又是一般天氣〔正末唱〕抵多少地寒氈帳冷殺氣陣雲高

〔騷衍再遞酒科云〕小官想來據賢士有經綸濟世之才補完天地之手文通三略武解六韜只合早決功名立取榮耀劉地困於窮途可不枉了你也〔正末云〕大人我范雎幼年失教不諳經史想爲官者要忠勤廉正去暴除貪量范雎是一愚瞽之夫則可待時守分知命安身未敢希望功名也

〔唱〕

〔醉扶歸〕俺則待手把着巖陵釣耳洗着許由瓢不圖他頂冠束帶立於朝但得箇身安樂〔騷衍云〕賢士你怎麼說這等沒志氣的話人生功名富貴皆由自取也不專是天數〔正末唱〕則這的便是俺一斟一酌再休題富貴也有箇輪來到

〔騷衍云〕賢士你看俺爲官的喫堂食飲御酒佳人捧臂壯士擎鞭出則高牙大纛入則峻宇雕梁堂上一呼階下百諾何等受用似你這閑居的纔衣淡飯草履麻線有甚麼好處〔正末云〕大人則您這爲官的怎比俺清閒快樂也〔唱〕

〔金盞兒〕你爲官的剛量度今朝又早想來朝您幾時學得俺勦嘍嘍一枕頭鷄叫〔騷衍云〕倒是你那閑居的好〔正末唱〕閑居的無事那逍遙喫的是醪醪一醉酒直睡到紅日半竿高則俺這無憂愁青衲襖索強

如你耽驚怕紫羅袍

〔騶衍云〕賢士再飲一杯〔正末做醉科云〕大人酒勾了也〔做睡科騶衍云〕賢士敢有酒睡着了也左右休大驚小怪的等賢士醒來時再飲幾杯者〔須賈上云〕不如意事常八九可與人言無二三小官須賈自至齊國賴得范雎之力在齊王座間反覆辯論范雎對答如流辭無凝滯齊王大喜厚賜回聘禮物又放俺公子申還國永爲唇齒之邦豈不可喜小官今早謝過了齊王止有中大夫騶衍尚未面別聞知他在驛亭待客不若就彼處告辭令人騶大夫在此麼〔張千云〕俺大夫在此待客哩〔須賈云〕有勞報復一聲道有魏須賈還國特來告別〔張千做報科〕〔騶衍云〕你說管待賢士着他回去明日來辭〔張千做回科云〕俺大夫管待賢士哩着你明日來辭〔須賈云〕公子和行李都已先去了怎生是好令人有勞再說一聲道須賈不能久待〔張千云〕俺大夫着你明日來辭我怎敢又過去〔須賈云〕沒奈何再央你過去說一說〔張千云〕也罷你且等着待我與你再稟〔張千做稟科云〕有須賈他說即刻要辭別不能久待〔騶衍做怒科云〕這廝好打說道管待賢士哩着他明日來我沒有私宅的這裏也不是他告辭處你休出去一壁有者〔張千做待立科〕〔須賈云〕小官在此門下伺候良久不見回音莫不那祇候人不肯通報麼天色漸晚恐怕誤了程途待不辭來又恐怕大夫見罪他說管待賢士不知管待的是何賢士我自過去有何不可〔做入門科云〕這是儀門前且莫過去我試看咱〔做見正末驚科云〕我道大夫管待甚的賢士可是俺那范雎此席爲何而設我過去覷破此人看他說甚麼〔做進見正末驚起科云〕呀大夫到此也〔須賈云〕范雎你也在這裏那〔正末云〕是小生被召在此〔須賈云〕須賈奉使多謝大夫周方今日還國特來告辭〔騶衍云〕須賈你來是拜辭還是撞席我沒有私宅的麼這驛亭中豈是你辭別去

處我若不看賢士之面我將你囚於齊國着你終身不能回去也〔須賈做怕科云〕小官得罪了也
 小官在門外聽候〔騶衍云〕住者須賈着你道大雪中來辭我怎生無一杯酒與你喫看着賢士面
 上令人將酒來〔張千做斟酒騶衍遞科云〕須賈滿飲一杯〔須賈云〕小官謹領〔騶衍云〕住者賢
 士不曾飲過哩須賈你怎敢先飲〔須賈做低頭科云〕是是是〔騶衍云〕賢士滿飲此杯者〔正末
 云〕小生怎敢先飲〔騶衍云〕賢士恭敬不如從命賢士飲了者〔正末云〕小生飲〔做飲酒科〕〔騶
 衍云〕令人將酒來須賈你滿飲一杯〔須賈做接酒科〕〔騶衍云〕住者你慌做甚麼大瓊家釀着
 酒哩你喫多少靠後賢士一隻腳兒來兩隻腳兒來賢士請箇雙杯〔正末做飲酒科云〕小生飲〔
 騶衍云〕令人將酒來須賈你飲這杯酒〔須賈做接酒科〕〔騶衍云〕住者幾年不曾見那酒兩隻
 手撈鈴一般相似靠後賢士可不道三杯和萬事一醉解千愁〔正末云〕小生酒勾了也〔騶衍云〕
 賢士既不用酒叫左右將禮物來〔卒子做托砌末上科〕〔騶衍云〕賢士小官奉主公之命有黃金
 千兩權爲路費少助行色莫嫌輕微也〔正末云〕大夫小生多蒙大王厚禮這等牛酒管待尙且難
 消又賜黃金千兩斷然不敢叨受〔騶衍云〕賢士俺主公所賜之物賢士不受莫非嫌輕麼〔正末
 唱〕

〔賺煞〕我可也敢嫌輕〔騶衍云〕莫非爲少麼〔正末唱〕非爲少〔騶衍云〕賢士不受
 可是爲何那〔正末唱〕則俺這窮命裏消他不了〔騶衍云〕蔬菜薄味不成管待〔正末
 唱〕百味珍羞食又飽〔騶衍云〕賢士有酒哩再飲幾杯波〔正末唱〕便做道酒腸寬
 沉醉醺醺俺這裏下堦道〔做行復立科云〕范睢你不辭而回是何禮也〔做回謝科唱〕
 屈脊低腰承管待深恩甚時報〔騶衍云〕賢士這黃金是主公所賜請收了者〔正末

唱這千金敢叨〔須賈云〕大夫見賜安得而辭〔正末唱〕斷然的不要〔須賈云〕可不道富與貴人之所欲也〔正末云〕不義而富且貴於我如浮雲〔唱〕俺則待麤衣淡飯且

淹消〔下〕

〔鬪衍云〕賢士去了麼〔張千云〕去了也〔鬪衍云〕須賈你知罪麼〔須賈云〕小官不知罪〔鬪衍云〕須賈你豈不聞任賢則昌失賢則亡故秦用百里奚而秦霸鄭用子產而鄭強吳去子胥而吳衰越去范蠡而越滅如你魏國可謂失賢矣前者不用孟子爲相却用龐涓爲帥所以馬陵之戰你國公子申被擄於此如今有一范雎又不能用而爲相却用你爲大夫俺主公釋放你公子申還國者專爲范雎之賢也兀那須賈你到於本國便能辭官謝罪讓位范雎萬事罷論倘若挾冤記讎須賈你覷者俺這裏雄兵百萬戰將千員有一日兵臨城下將至濠邊四下裏安環八下裏拽砲人平了你宅舍馬踐了你庭堂將你魏國踏踏的粉碎那其間則怕你悔之晚矣須賈〔詩云〕你也曾讀古聖文章須知蔽賢者謂之不祥莫等待兵臨城下方纔懊悔道自取其殃〔下〕〔須賈云〕我正疑怪范雎今日臨行不見却在此間飲酒我乃魏國中大夫受命爲使倒不得與此宴范雎是一從者反受他牛酒管待又賜黃金千兩我若非親身至此怎知有這等事我想范雎本是一箇貧士因見我到此故不敢受他這千金之賜我如不來此金必然受了教我轉轉猜疑其中必然暗昧〔做沉吟科云〕這有甚麼難見處想必范雎在我背後以魏國陰事告齊故得此重賞范雎你好無禮也你坐於堂上我立於階下全無一點不安的意思今日之事我且藏於腹中等待還國之後范雎嚙和你兩箇慢慢的說話正是恨小非君子無毒不丈夫〔下〕

〔音釋〕

鬪音鄒 勝平聲 懣蒙上聲 懂音董 簞音丹 薄巴毛切 躡音聶 學奚交切

鶻紅姑切 雀音勑 着池燒切 脚音皎 苦聲占切 那音挪 哨雙單切 落音

滂 重平聲 幘音冒 行音杭 解音械 樂音滂 酌音沼 轟音毒 訥阿溝切

勾去聲

第二折

〔魏齊領卒子上〕云某魏齊是也遣須賈大夫入齊爲使不想齊王就放長兄魏申還於本國又有回聘之禮此皆是須賈大夫之功也今日他在宅中安排酒餞請某赴宴想爲賞雪而設已曾分付左右輛起安車往須賈大夫宅中走一遭去〔下〕〔須賈引祗從上〕云小官須賈自從使齊還國主公大喜優禮甚厚止有范雎一事還不曾說明今日就家中略備菓桌專請丞相一人要究范雎受齊宴賞之私是何緣故早間已令人請下未見到來時遇暮冬天道紛紛揚揚下着國家祥瑞天色寒冷一壁廂備下熱酒伺候左右門首廝者等丞相來時報復我知道〔祗從云〕理會的〔魏齊領卒子上詩云〕紫閣黃扉相府開安危須仗出羣材車聲何事轢轢動專爲華筵賞雪來此間正是須賈大夫私宅門首令人報復去道某家來了也〔祗從做報須賈慌接科云〕須賈有何德能敢勞老相國屈高就下也〔魏齊云〕多承大夫重意老夫來遲休怪〔須賈云〕不敢令人一面吹打臺上果桌來者〔祗從做擡果桌須賈遞酒科云〕將酒來老相國請滿飲此杯〔魏齊云〕大夫此一遭出使保的長兄還國皆是大夫之力也〔須賈云〕此豈須賈之能全仗主公的洪福老相國的餘威何足掛齒今日雪中荷蒙台駕降臨須賈不勝榮感但有一事要稟知老相國未敢擅便〔魏齊云〕大夫有何事但說不妨〔須賈云〕非是須賈饒舌實爲國家利害不得不言前者須賈不才出使齊國所舉范雎同去事畢將回須賈因辭齊大夫騶衍於驛亭中適值騶衍奉其主齊君之命以牛酒筵

宴款待范睢宴罷又贈黃金千兩其時范睢看見須賈到來遂辭金不受我想此人必以魏之陰事告齊故得其賞不然何以致此須賈一向懷疑未敢遽發但此事關係非小今日難得老相國降臨乞差人召來與須賈面對審問一箇明白〔魏齊云〕大夫不說某豈得知便着人喚將范睢來者〔卒子云〕范睢安在〔正末云〕小生范睢是也自陪須大夫入齊爲使保的公子還於本國〔數科云〕一也不見一些功勞在那裏豈不是時也命也今日冬天臘月十二乃是小生賤降之日太學中同輩書生請小生飲一杯兒酒恰纔正飲之間有一書生說起太公事來俺想他遇不着那文王呵〔唱〕

〔南呂一枝花〕這其間尙兀自垂釣在渭水傍獨坐在磻溪上至如我有才如呂望也則怕無福可便遇文王暗自斟量天生下窮酸相幾時行通利方憑着啗鼓舌搖唇立取他封侯拜將

〔梁州第七〕但只問魏公子因何釋放全仗着那一箇遊說齊邦怎生這功勞不在咱頭上幾曾霑一絲兒賞賜壯半米兒行裝可着俺越多伎倆越受淒涼枉誤了十載文章乾捱了半世風霜他他他誰肯念陋巷間一瓢的書生是是是我願則願那都堂中八府的宰相來來來他每都不着我見那深宮內萬歲的君王這天氣怎當白茫茫冰連江海三千丈徒步去將何往早則是冒雪衝寒凍欲僵這便咱衣錦還鄉

〔做見祇從科云〕請小生有何事幹〔祇從云〕范先生你在那裏來俺大夫安排筵宴管待丞相哩

教我請你快行動些〔正末云〕元來是大夫教你請我麼〔唱〕

〔隔尾〕你那裏蒲萄酒設銷金帳羅綺筵開白玉堂聞知道魏相國

親身到宅上〔做徘徊科云〕既是請丞相赴宴怎又請我〔唱〕故意把寒儒廝獎顯

的他寬洪海量〔云〕哦我知道了也〔唱〕多應是須賈高情將我這范睢來

講

〔做見科〕〔須賈云〕范睢你在那裏來〔正末云〕今日是小生賤降之日太學中一輩的書生請小

生飲幾杯酒聽得大人呼喚小生不敢稽遲一徑造此〔須賈云〕哦元來今日是你生日祇從人與

我掃一塔乾淨田地請先生去了衣服者〔正末云〕老丞相在上小生怎敢去衣服則這般呵好〔

須賈云〕還請去了衣服〔正末云〕我猜着了也〔唱〕

〔牧羊關〕敢怕喫那細索麵醒酒湯便是油汁水灑污也何妨今日

箇爲公子設佳筵怎倒與小生做賤降〔魏齊云〕范睢恭敬不如從命也〔正末做

脫衣服科〕〔須賈云〕將問事來〔祇從做丟下問事〕〔正末做慌科云〕酒席上怎麼用這東西〔唱〕

只見一條沉鐵索當前面兩束麤荊棍在邊廂那裏有這般樣稀奇

物大夫也強將來做薦毒觴

〔須賈云〕范睢你知罪麼〔正末云〕小生不知罪〔須賈云〕今日箇請老相國在此和你講明一句

話當日同使於齊齊君牛酒金帛獨獨管待你是何緣故你可對老相國實說〔正末云〕老丞相在

上當初隨大夫入齊爲使見了齊君小生一席話間使齊君大喜釋放俺公子還國這的是小生之

功怎做得小生之罪〔須賈云〕范睢你不以吾國陰事告齊焉得有此重待你如何不肯實說〔魏

齊云〕這匹夫不打不招〔須賈云〕祇從人與我打着者一杖子與他增添一歲〔祇從做打科〕〔正末唱〕

〔隔尾〕正是那耕牛爲主遭鞭杖啞婦傾杯反受殃災禍臨身自天降我吃了這一場棍棒天那這的是爲國於家落來的賞

〔須賈云〕左右將酒來老相國常言道酒肉攤場吃王條依正行今日筵上飲酒的自飲酒他受刑的自受刑正所謂情法兩盡請老相國滿飲一杯〔正末云〕大夫這數九的天道去了衣服不凍殺小生也〔須賈云〕你這等人不凍死了要他怎的〔正末唱〕

〔牧羊關〕淚電子腮邊落血冬凌滿脊梁凍剝剝雪上加霜則被你餓掉了三魂敲翻了五臟帶肉連皮顫徹髓透心涼似這等勘范叔森羅殿抵多少凍蘇秦冰雪堂

〔須賈云〕左右將酒來〔祇從云〕酒到〔須賈做遞酒科云〕老相國請滿飲一杯少遮寒色〔正末云〕大夫你打了小生一日也有甚麼茶飯與小生些兒吃〔須賈云〕你餓了麼據禮不當與你吃我怎肯做的坐兒不覺立兒饑祇從人那裏將的他那茶飯來〔祇從做拿砌末放下科〕〔須賈云〕祇從人你着他自己揭開食用波〔正末做開看科云〕這的是喂頭口的草料怎生與小生喫〔須賈云〕你道是喂頭口的草料與你吃匹夫我保你同入齊爲使你以陰事告齊受他金帛牛酒你與頭口何別豈不是背槽拋糞你喫了者一根草與你添一千歲壽若不吃呵祇從人將大棒子打着者〔祇從做打科〕〔正末唱〕

〔紅芍藥〕哎呀一輪紅日爲誰藏地老天荒我則見半空中瑞雪亂